

M241E: Priester Wernher: Driu liet von der maget (E)

0,3336 alsus .
0,3337 lesken vn- swenden .
0,3338 daz die lute niht mac geschenden .
0,3339 des tievels getat .
0,3340 wan d' gwalt in siner hant stat .
0,3341 Die warheit ich dir zelle .
0,3342 er ledeget vz d' helle .
0,3343 die sinen willen hant getan .
0,3344 der himel ist ime vf getan
0,3345 allez daz da ie wart .
0,3346 daz ist gesegent vn- bewart .
0,3347 von sin' magenkrefte .
0,3348 vn- mit d' herschefte .
0,3349 d' niemer wirt ende .
0,3350 da mah dv din dienst wol gewenden .
0,3351 Ioseph d' einvalte .
0,3352 langer niht entwalte .
0,3353 sin vrovde wart so michel
0,3354 [..][..] er was worden sicher .
0,3355 von ungemvte .
0,3356 mit des engels gyte
0,3357 dv wnder hiez er schriben .
0,3358 sante MaRien
0,3359 bot er sich ze fuzen .
0,3360 er sprach "wie wol mich mvzen .
0,3361 die sunde iemer riwen
0,3362 daz ich die missetruwe
0,3363 vf dinen lip ie gwan .
0,3364 vmbe dehainen irdischen man
0,3365 der engel mir geseit hat
0,3366 wie z umbe dich kuneginne stat .
0,3367 Dv bist ein insigele
0,3368 des keisers von himele .
0,3369 der dich gemahelot .
0,3370 umbe aller sundare not ."
0,3371 d' magede herce sich erhvop .
0,3372 sv weste wol daz sv trvc .
0,3373 den troste aller hailigen don .

0,3374 sv seite danc vn- lon .
0,3375 der boteschefte fronne .
0,3376 ze himele neic sv scone .
0,3377 dvrch dv manegen zaichen .
0,3378 die zahere begunden waichen .
0,3379 ir bruste vnbewollen .
0,3380 sv sprach “io mac ervollen .
0,3381 swaz er gebutet vn- wil .
0,3382 er git mandunge vil .”
0,3383 Die in deme hvse waren .
0,3384 do sie die rede v’namen .
0,3385 alte vn- iunge .
0,3386 zesamaene sie [..][..] sprungen .
0,3387 si lobent den hailant .
0,3388 der sine zesuwen hant .
0,3389 hete gerihtet ub’ sie .
0,3390 grozer vrovde wart nie .
0,3391 an den bvchen gescriben .
0,3392 si begunden in alle an dingen .
0,3393 kristes sagare .
0,3394 dv starken nvwen mare .
0,3395 mvsten si bewainen .
0,3396 sie waren an den truwen vngescheiden .
0,3397 Daz mare gwan do vedere
0,3398 umbe die maget edele .
0,3399 moht ez niht v’holen sin
0,3406 ez vlovc witen vnd’ in
0,3407 von gazzen ze gazzen .
0,3408 die ivden begunden hazzen
0,3409 dv vngwonlichen wort
0,3410 vmbe den geistlichen hort
0,3411 den dv maget trvge
0,3412 ez dvhte sie vngefuge .
0,3413 wan si ez nie v’namen
0,3414 si [..][..] hiezen die maget vahan
0,3415 vn- Ioseben den alten
0,3416 vn- hiezen si behalten .
0,3417 vnz an den andern morgen
0,3418 des si heten sorge .
0,3419 daz hete in niht geschat .
0,3420 heten si wistvm gehabet .
0,3421 die tumben ewarten .
0,3422 erkome-t d’ rede harte .
0,3423 vber alle die synagogam .
0,3424 erschrite wip vn- man .
0,3425 der biskof vn- die fursten .
0,3426 waren in dem getursten .
0,3427 daz si die maget here .

0,3428 refsten uil sere .
0,3429 eine sunderin hiezen si sie do .
0,3430 in ir concilio .
0,3431 vnser vrovwe stvnt einhalp .
0,3432 Ioseph and'halp .
0,3433 sus wrden sie gestellet .
0,3434 vn- wart in vor gezellet .
0,3435 manic vraise vn- zorn .
0,3436 wie si waren verlorn .
0,3437 obe si an dehainer stunde .
0,3438 sunden wrden vb'wnden .
0,3439 si begunden si ane uechten .
0,3440 daz von ir vnrechte .
0,3441 dv e ware zerbrochen .
0,3442 daz wrde wol errochen
0,3547 Dauides kint ioseph .
0,3548 alse da gescriben stet .
0,3549 der gerte dehainer vrist .
0,3550 er tranc ze m erist .
0,3551 ane sorge dar zv .
0,3552 er n wolte niht also frvo .
0,3553 v'liesen lip od' sele .
0,3554 er dahte an die lere .
0,3555 die ime d' engel zv sprach .
0,3556 do er in mit vnfrovden sach .
0,3557 dv vrovte sinen gedanc .
0,3558 do hup er vf vn- tranc .
0,3559 eine schenke groz .
0,3560 vor sime husgnoz
0,3561 Do stunt er ane wende .
0,3562 sie wisten in bi der hende .
0,3563 umb den alter sibenstunt .
0,3564 danne- schiet er wol gesunt .
0,3565 daz dehein vrkunde .
0,3566 lugelicher sunden .
0,3567 an ime wrde funden .
0,3568 do begaben in die wutinden hunde .
0,3569 do gienc ez an vnser vrovwe-
0,3570 dv stunt mit spilinden ovgen
0,3571 mitten in deme creize .
0,3572 dv scheltwort als heize .
0,3573 waren ir linde als daz tov .
0,3574 wan si boshait nie gerov .
0,3575 die sv mit mannen ie begie .
0,3576 den willen gwan siv nie
0,3577 Der biscof redte mit ir .
0,3578 "daz vrkunde sehen wir
0,3579 an din selbes libe .

0,3580 sage wer dich ze wibe .
0,3581 mit schanden hat gemacht .
0,3582 des din ovge lachet .
0,3583 dv mahtes baz wainen .
0,3584 dv must den man zaigen .
0,3585 vn- die staine liden .
0,3586 die Moyses selhen wiben .
0,3587 sazte an den buochen .
0,3588 dv ne mah vns niht v'svchen .
0,3589 Daz dv geturrest lovgen .
0,3590 daz dv gesundet has tovgen .
0,3591 daz schinet an dir vorne .
0,3592 von deme gotes zorne ."
0,3593 dv maget antwrte .
0,3594 mit gezogenlichen Worten .
0,3595 io hete sv die zvngen
0,3596 in selhe rede betwngen .
0,3597 su sprach "ich en han selhes niht getan
0,3598 daz ich des todes habe wan .
0,3599 got waiz wol mine schulde
0,3600 vn- han ich sine hulde .
0,3601 so mvoz min rat werden .
0,3602 er lat mich niht v'derben .
0,3603 han aber ich gesundet .
0,3604 daz ich bin enzvndet .
0,3605 mit weltlichem fure .
0,3606 sin gnade ist so gehure .
0,3607 daz mac er wol erzeigen .
0,3608 swer die sele wil vnrainen .
0,3609 der en darf den falk sin .
0,3610 niht lazen an in
0,3611 sich selben er truge .
0,3612 swer mit ime deheiner luge .
0,3613 wolte beherten .
0,3614 er n lie mich niht v'werten .
0,3615 von mannes vnzvhten .
0,3616 daz wil ich hie gerihten .
0,3617 Aller dirre diete .
0,3618 wil ez got gebieten .
0,3619 die ez horent vn- sehent .
0,3620 daz si des her nach iehent .
0,3621 daz got d' sterker si ."
0,3622 daz wazzer stunt da bi .
0,3623 sv sach gein des himeles hohe .
0,3624 do tranc sv also schone .
0,3625 daz si alle iahen
0,3626 die daz gerihte sahen .
0,3627 daz su s gnvc duhte .

0,3628 ir antluzze ir do luhte .
0,3629 michel baz danne e .
0,3630 ez en tet ir niht we .
0,3631 si liezen sie niht sten .
0,3632 sv mvsten sibenstunt gen .
0,3633 vmbe den altare .
0,3634 vn- zaigete da z ware .
0,3635 daz sv niht en swar .
0,3636 daz volc daz dar .
0,3637 was komen witen .
0,3638 daz neic deme magetine
0,3639 Do schameten sich die herren .
0,3640 daz si also verre .
0,3641 die maget heten getriben .
0,3642 do sv in allen ir liden
0,3643 ganz was bestanden .
0,3644 swie si doch erkanden .
0,3645 daz sv truc ir kindelin .
0,3646 von welhen sculden mohte sin . [...] [...]